

鐔

墟

堂

摘

稿

謁長陵

天作高山運氣長白雲深閉侍

文皇臨戎紫塞風塵靖定鼎金臺日月光千里山河同  
戴禹萬年謨典復宗唐小臣空負臯平澤時望龍  
顏倚御牆

聞倭寇

聞說倭奴入寇雄幾回終夜惜元戎頻年遠調兼  
人敵萬骨誰成一將功人物蕭條城市閉山河慘  
淡戍樓空匡時自昔須群策悵望南天恨不窮

慶賈西厓受 賜玉帶

絲綸別館切清虛列戟分符護玉魚八葉明昌扶  
地軸萬年保障壯皇居挿貂不羨中朝貴表德寧  
慚 寵命殊借問薊門五丁將對君顏厚竟何如

題周侍御恩榮卷

貞宰本無私與善如形影王瓚注黃源豈比金與  
甌因之槩古今玄理非空慎人定自勝天詎云幸  
不幸況此樂善翁論心何惺惺孝友由性生明發  
動深省教子惟一經安能逐塵騁譬之鵬扶風須

史九萬境身冠偉身儀

卹典光泉盥始信仁者後流光日永永

贈方曹周縝菴赴南都

壯年射策久知名白髮除官入上京  
旌轉秣陵春雨色舟迴淮浦夜潮聲  
留曹豈為傳詩草憂世空忘著論衡  
况復東南生意竭知君不負賜衣情

元宵觀燈時督陵工

神宮靜與白雲閑忽見清燈映夜蘭  
花綻星芒珠欲碎光侵月影錦成團  
謾誇上苑粧春景且向深

金部集卷之二十一  
山度歲寒總愛陽輝同

帝澤遍令幽谷起凋殘

贈戈正郎出守南陽

八年郎署始移官五馬翩翩促去鞍  
路入呂城芳草遍春廻唐嶺碧雲寒  
應知露冕爭相候賸有朱絃可自彈  
召杜祠前頻展拜漢家良牧未為難

和介翁韻贈大司馬聶雙江南歸

本兵盡瘁鞠躬餘識字由來為讀書  
投筆靖邊應有待借籌經國未全疎  
祇緣塵事移成局敢乞閑

身返舊廬完節共忻逢

主聖春城祖席獨憐予

幾回談笑策戎機解組于今得

賜歸鷗夢但知求自適鴻冥何惜與時違雲隨鵲杖  
尋丹壑酒送東籬待白衣往事驚心須感慨閑來  
空望北山薇

贈少宰學士程松溪南歸

一封疏下入編民共識天邊侍從臣去路遠尋幽  
磎菊歸心不負曲江春馬諧故道終難棄壁重連

城世自珍湖上好懷蘇學士金鑾再見寵儒紳  
暫違玉署向江干祖道那堪遠別難  
塵利久知心似水道交何帝契如蘭  
山中霽月閑時弄架上遺書靜裏看  
此去發城何處是遙瞻牛斗倚雲端

謝馮洛川邀同侍御孫慮吾遊錐石口

偶同仙侶入深山錐石嶢巖未可攀  
幽谷路岐行轉怯古松風淨坐俱閑  
踏花喜並乘驄至載酒淹留待月還  
自是主人多雅意羈懷聊為一開顏

寄太守姪時漸陞重慶憲副

五馬家聲湏汝紹霜臺重喜鎮巴城寧親已遂  
橋志報國寧忘叱御情早見鈴韜追七捷閑獲  
琴鶴伴雙清老子愧乏東山望却信玄才可屬兵

次侍御孫處吾味遊洛川小園韻

世事百年何日了花開花謝幾多少從來知止是  
先幾閑向園中咏黃鳥

聞虜警

漁陽烽火達神州獵騎翩翩不待秋千里霾塵迷  
白晝萬家哭淚瀉東流鳴弦已入三河界衝敵誰



操兩刃矛欲向塞鴻詢往事  
磧沙飛處使人愁  
黃花鎮外暗胡氛  
幽薊橫戈豈忍聞  
飛輓盡輸南  
運粟臨戎不見北  
征軍荒關漠漠連雲  
墮曠野陰  
陰帶日曛目極燕  
山空悵嘆何人匹  
馬是髯君

謝潘咸菴邀遊園亭賞春

春深祇役却忘身暫憩陶園拂遠塵久聽鶯聲知  
取友坐憐花色欲依人情真不論枰棋勝興到何  
妨送酒頻更有清齋書滿架逢君臭味自相親

觀海棠

海棠花發艷春光  
裊裊繁英不點粧  
久向瑤墀收定價  
偏承羽蓋襲餘芳  
托根不比芙蓉苑  
吐蕊寧同桃李場  
寄語東風容暫借  
明朝猶得翫瓊觴

贈臬使陳希齋補任廣東

二十四年同榜彥  
重看憲節傍朱輪  
雲隨梅嶺光儀遠  
春滿瓊崖草色新  
漢法定知情弊俗  
虞刑端不負平民  
濩溪書院今如昔  
猶是當年澤物人

謝賈西崖邀賞丁香花

園亭春暮衆花開  
漫折丁香對酒杯  
麗色重重隨

日照清馨隱隱拂風來心隨綠樹偏憐主枝向芳  
筵却愛才為謝高情歡不極慇懃更插滿頭回

謝賈西崖邀賞碧玉竹

漪漪綠竹對南山群玉簫森積翠間自比栢松存  
晚節不隨桃李闕春顏雲依將徑遊偏勝興入淇  
園景自閒莫道幽棲成隱癖時來仙侶扣玄關

觀射

山亭閱武徵高會攬轡相尋玩物華弓滿月猶飛  
白羽旌揮電閃走青蛇共驚穿葉環瞿圃何用談

兵羨將家九折未應違壯志籌邊先為服韓邪

述懷

浮生役役鬢毛稀濫列卿裳近紫微忽訝流年已  
及艾敢云自省便知非孤松晚秀行相約老菊秋  
芳願不違報國祇應忘我拙從來戰勝自身肥

慶介翁入對

遠傳

勅使宣元輔千載遭逢只此時大旱久懸霖雨望高崗  
重覩鳳凰儀漫誇漢帝臨三老共慶虞廷是一變

自是忠誠酌

睿眷年年佳氣繞台司

久居黃閣冠儒紳白髮頻看近

聖人正以鹽梅資鼎味更於龍馬羨精神合宮下問謀  
方遠笥服先頒命亦新莫謂

主恩無以報在公夙夜有孤身

辱推陪少宰寄賀鄭澹泉兼催北上

昔年典選聯仙署促膝談文幾徹宵偶竊虛名齊  
李杜敢希揆武接夔陶持衡再入驚翔鳳推轂叨

陪愧續貂莫向淮波留繡斧早懸水鏡倚丹青  
海內交遊如骨肉萍踪何幸復同朝祇因求駿湏  
先隗更覩飛龍正在堯調古不妨違俗好樹高猶  
幸免風搖此來專席恩方重會見公平起誦誥

慶楊虞坡晉大司馬

保釐風采著華夷東省承恩總六師共許握韜勞  
尚父不徒應變爰元之幕南坐見歸王化塞北寧  
聞出牧騎他日漢家麟閣上還期勲業勒穹碑

賀太司馬周嶠山召掌院事

萬年綱紀重臺臣  
天語丁寧簡正人  
遙向留樞推  
士望來持憲  
度表朝紳鳴珂獨展囊  
中草避路驚  
埋道上輪軒  
顧風裁應不忝  
佇看古栢淨埃塵  
職司天憲衆稱賢  
召介非因左右言  
霜拂簡端威  
獨凜風生臺上  
直如絃名高知不辱  
吾筆

主聖何勞諫  
御船自是老成持  
大體法星時傍紫垣邊

### 賈西崖邀遊仙人洞

朱夏尋幽入古洞  
乾坤何處覓神仙  
山圍四壁疑  
瓊島石臥層巒隱  
翠煙弄笛似聞  
電羽西對棋還

憶爛柯篇眼前芳意湏同賞飽德空思奉細涓

贈少司寇陳芹山總督漕政

江淮財賦正堪憂

御勅掄才屬壯猷臺內風霜官獨重日邊雨露寵偏優  
舳艫千里連雄鎮貔虎重圍控上游竊嘆東南民  
力竭何因罇俎借前籌

贈僉憲萬東澤出鎮惠潮

惠潮文物似中州霜節迢迢壯勝遊好向金山窺  
鳳嶺更從越井望牛頭仰韓閣上雲常在不遠臺



前月不收莫嘆稽梅多瘡痍古來聲教遍羅浮

贈少司馬王思質行邊

早羨為儒兼武畧忠勤獨荷

聖朝知霜飄斧鉞臨三鎮日照旌旗肅四夷秋相不慚  
旌異帶張公應紀立勲碑平生所學惟君父豈為  
榮名却救時

遠傳節鎮白陽東虎帳龍謠戰氣雄匡國自應勞  
吉甫請纓何但慕終童月明清嘯潮河外雲擁行  
麾細柳中獨夜憂時瞻北斗看君坐笑靖胡戎

次司諫謝明山遊山洞韻

巖洞連迴徑雄危幾古今  
泉流千壑靜雲度衆峰陰  
踏石窺筇影吹簫聽鳳吟  
德星忻此聚何必羨仙臨

半嶺棲青碧濛開直到今  
苔痕侵古磴松葉漏寒陰  
虹飲杯中酒風傳郢上吟  
總多山水興明發復登臨

次賈西崖韻

洞臨勝地絕清幽  
聞道巾車復此遊  
憇澗未須尋

赤脚攀蘿聊為倚蒼頭  
林端風靜松聲細天際峯  
連黛色流旺氣自應綿

帝澤龍翔鳳舞幾千秋

賀夏敬所補司諫

葱葱佳氣集吾豐  
瑣闥新恩望亦崇  
正喜鷗鵬搏瀚海  
坐看鷹隼擊秋空  
安邊不用和戎策  
瘳疾還期畜艾功  
此日遭逢增感激  
黃金臺上有清風

次侍御孫慮五遊鐵壁寺韻

古寺切心賞青驄  
不及板疑從霄漢上  
如在畫圖

間怪石連重壁輕嵐鎖故關何因一注目即景味  
名山

次孫侍御遊銀山寺韻

聞說銀山勝山空法亦空遙臨冰玉使不愧藍珠  
宮曉日催征騎輕風散薄濛此行聊問俗歸獻翠  
華中

雨後望天壽山次謝司諫韻

寶城鬱鬱聳高峯喜歛陰霏興轉濃風散濕巢歸  
噪鳥雲依

享殿欲從龍朱甍迥映千花障丹壑時吟萬古松祇  
役未堪頻注目岐周山下想遺容

九天初霽謁群峰目極諸陵御氣濃雲物遠浮陽  
翠嶺日華徧現鼎湖龍表珍不似秦園草夾道寧  
誇漢廟松緬憶

文皇恢遠略幾回清蹕挹春容

贈江雲石謫長沙

星沙境上草青青若復重登賈傅亭湘山祇應藏  
寶氣澧蘭原自有餘馨未論四絕傳詩札且慕三

賢作典刑况喜遭逢非漢主何勞斜日嘆秋零  
顯晦從來無定期宏才端不負明時豈意青霄垂  
綬翮却從喬嶽傲霜枝金牛深處堪儲相飛鷄臺  
前可勒碑此去好持弧矢志侍看振珮接朝儀

賀胡劍西生季子

遠傳文定生明仲瑞氣氤氳繞五峯玉署文章由  
世積錦江福澤自天鍾不誇並秀增三桂何但聯  
輝似八龍他日知言傳父學衡山深處仰高蹤

贈憲副畢子石改補廣東海道

塞北風霜闌草萊海濱何復借君才鳴騶遙度望  
雲嶺使節時登朝漢臺賸有載碑思宋相不須避  
謗學吳恢此身磊落真耐主目斷樓船水戰回  
銜恩休嘆此行輕越岫輕烟引去旌大海遠連群  
島地千金難博五羊城盜平總畏潘公望舶至應  
知馬老清正喜盤根堪自別青林境外有賢聲

寄贈刺史張巽峯移守寧波

符向三衢改古鄞政聲揭揭達楓宸未論華驥逢  
知己且喜丹山得主人奏罷海饒師孔戣教明經

音憶舒璘甬東草色春何限益信鈴齋可致身

公會陵橋遇雨

連日輕陰雨復零同來祇役駐蓬廳雲連黃屋知  
天近水會銀河覺地靈千古橋身橫砥柱

八陵山色映沙汀小臣已飫從龍澤但願常清自得  
寧

贈北部熊仲齋恤刑雲南

滇南淑氣自春回漢節遙從

闕下來雨灑昆明同萬里星分臺貢映三台

雲南府有三台山



洗冤喜誦張喬疏決滯驚誇王遜才天道福祥原  
不爽坐看緝緝應庭槐

贈侍御周及溪赴留都

帝京傾蓋忽分盃衣繡驚看入舊臺秋到秣陵隨鴈度  
風傳鍾阜避驄來匡時賸有安攘策識體寧誇搏  
擊才見說東南生意竭金函還擬達三台

贈侍御張少源按淮便道歸省二首

遠持憲節靜淮波便道寧親愛日多繡斧光榮新  
御勅牙冠聲價舊賢科共忻監筴憂時切更慶萱堂賀

客過從古義寧傳盛事李丞畫錦竟如何

鵠立朝端世所珍  
廣陵驚喜復埋輪  
心源北出風烟迫  
驄馬西歸雨露新  
綬結江淮千里命  
襟分慈孝百年身  
此行正切東南望  
莫向樽前戀早春

贈大司寇何沅溪致政

尚書投笏輟朝班  
峻節高風不可扳  
杜相祇應懷舊墅  
謝公重喜步東山  
賜衣歸服恩猶渥  
引水流觴景自閑  
莫謂到家心便了  
夜來清夢繞

龍顏

金坡志卷之二  
八座聯芳慶所遭虞廷淑問正思臯完名不羨三  
公貴勇退今專一字褒車擁都門看送別舟廻蘭  
渚恣遊遨他年雪夜頻相憶報國無能愧我曹

贈司諫王龍峰使岷藩歸省二首

數年獻納接明廬捧冊榮從玉殿餘槎泛濱川臣  
節重祈歸貢水

聖恩舒未論馬伉能辭幣且喜安仁得奉輿他日吉州  
傳勝事始知寸地帶經鋤

銜命頒封向楚天奎文墨跡尚依然有文觀風正

懋宣風里問月應懷弄月篇有亭車擁于門先世德  
酒斟洞果慶長年有仙莫因寸草多偏戀遙望明  
星傍斗邊

侍郎考滿蒙 贈封三代

吾家祖父崇經訓餘澤迎祥及後人犀軸榮頒三  
世誥錦鸞光映一家春不嫌廳事難旋馬賸有圭  
田可薦蘋夜禮星垣瞻

帝座銜恩寧忍負君親

蔭瀚兒

金史卷一百一十五  
二  
教子常從寸地耕有何功狀達承明賞延舜典恩  
原重祿世周官寵更榮負笈已忻親璧水明經寧  
致羨金籬百年忠孝末無忝敢謂卿門自有卿

廷試讀卷

嘉靖丙辰 大廷策士予以侍郎忝預讀卷時  
泐中門生陶大臨一甲第二人陳錫二甲第一  
人張鳳來第四人餘出泐中者幾四十人蓋躬  
覩其盛云

天開文運盛周京大對賢良正滿庭稽古掄才分

甲乙叨

恩讀卷備公卿春深桃浪看魚化日上梧枝集鳳鳴共  
慶和家衣鉢盛疎庸無補賴門生

正憶壬辰至丙辰貌予盛典得叨塵依乘未踐資  
言策掄選應懷報主身龍虎榜懸人共羨璧奎星  
見世為珍

聖朝選士求忠孝定有周家十亂臣

欽遣祭織造冬至大祀袞服皮弁服

聖主精禋崇

大祀袞衣歲造肇春陽祭承綸綍叨殊渥帛奠雲房引  
篆香瑞衍冰蠶應獻彩靈孚織女自成章要知黻  
冕思神禹一念齊明徹彼蒼

天壽山工完陞二品服色俸級

陵橋砌玉引飛虹水遶玄宮瑞靄同祇役每思恢

祖烈敘勞何幸注

宸衷倖加二品恩偏渥服並諸卿位益崇退食自公何  
以報委蛇應慕五純風

即事

時提督蘆溝河工程

清晨辭魏闕祗役赴盧溝行行尋水道沙徑迂且  
脩源自桑乾發浩渺如天浮連亘蒼崖峻潏潏隱  
澗流飛瀑忽千里逶迤達前丘平原迥遠曠決漭  
不可留邇來多陰沴積雨屆深秋狂濤撼樹杪重  
之挾石尤決堤奔放迅兩岸隔望郵廬井莽陳跡  
感事令人愁仰賴神禹惠恒厯拯溺憂勅使策三  
遣歲月空悠悠茲予親板築正值鳴蟬稠衝霾飢  
塵垢悄悄何所求簡書時在目永爲稻梁謀努力  
廻瀾倒萬載拱皇州



遠眺

雨後望西山輕風散晴景奇峰千仞高突兀盤地  
軸濠開直到今佳氣謫青馥懸崖拱疊巖蘭若紛  
矗矗鉅勢如爭奇巔岼自天育輝耀半空中千里  
疑可縮從來虎踞形封豨列侯服子丹劔術踈豪  
傑兢逐鹿哀哉漢唐餘雄圖幾興覆割棄何人斯  
忍遺腥臊譴鬱悶待我明快覩昇平福

成祖運乾謨從此定輦轂四方王帛同金殿環蒼麓光  
入翠微宮芬芳吐郁郁

今聖握貞符五帝不足六弘敷利濟仁軫念切竊獨我  
來捧

綸音一聘遠遊目豈不懷幽棲因之洗炎燠事業貴及  
時每悲髀生肉會當障洪流永永宅四隩

贈劉盤山知永州

福星隱隱起江華五馬符分去路賒久病正僊南  
楚爰選良應羨上林花九疑泉動春行野三省堂  
深夜放衙他日瀟湘遺澤在劉寬原是使君家

贈甘子美判潼州

鍾墟堂摘稿 卷之二

木

壯年挾策走長安七品恩榮喜拜官風送澧蘭行  
采采月臨虹閣自團團發硯遠慰鄴人望叱御寧  
辭蜀道難商隱祠前重仰止歲時燈火徹更殘

贈太守熊文峰知潯州

潯江橫截限南荒萬里專城得茂良嶺表風煙紛  
渺渺粵中雲樹鬱蒼蒼行春喜入思靈地懷古時  
登景陸堂太宰家聲原不忝坐看絃誦起夷鄉

題榮壽卷為大司徒賈樵村賦

五色龍章下九天恒山燕處日脩然加封不待中

書考眉壽重過尚父年物外虹霞宜晚色庭前鶴  
彩及春妍古來經濟由家學益信日耕有福田

贈朱麓原叅汴藩

微垣星彩起天中祖席驪歌擁去驄河噴周原千  
里潤花明洛下萬家同未論歲歉堪移粟須信秋  
深可掛弓東陝從來多政績棠陰無處不春風

督城工懋智化寺

秋來宿古寺落日晚依微祇役綸言重離家世事  
違夜深恒秉燭鐘徹即求衣久與禪心並還尋第

一機

玄關原有約從此得淹留香霧迎風細禽言愜地  
幽時從忙裏過業向靜中求況復休明運寧忘為  
國謀

爽氣澄秋景僧房對夕薰境閑增闕寂思靜破塵  
氛鶴影隨松舞經聲雜磬聞忽然悟上乘何必檢  
玄文

終日逐形役閑尋靜樂林壁懸名畫古門鎖白雲  
深習定餐霞液懷公惜免陰法燈如不滅永照歲

寒心

飲錦衣萬鳳臺西郊園亭

連日工興不用催偶隨仙侶舉霞杯  
林間噪鳥親人語竹逕繁花遍地開  
醉似乘舟遊赤壁身疑跨鶴過瑤臺  
主人莫逐風塵客無限韶光許再來  
秋霽天空入翠亭閑幽不羨石為屏  
雲臨金海長浮碧雨過西山遠送青  
擊筑忽聞歌古調探竒應喜竊餘馨  
轅門樹業多君羨綠野堂開此地靈

城上遠眺

晴日秋空明登城野

帝京壽山隨極拱西嶺切霄崢瑞靄仙宮迥光騰碧宇  
清萬年都會地壯麗自天成

箕尾分幽野古稱地勢雄山環金疊障水遶玉流  
虹歷代難當勝天朝獨宅中

文皇垂裕遠億載頌神功

### 悼元舊基

遼金及大元此地列據垣三綱已淪滅四維無復  
存建樓名齊政反斥周儀煩恣歡侈凝翠樓名披雲

聘名園共誇遂初堂景幽似如桃源結軫拂長袂

俠氣自軒軒弦管便俗調導淫兢俚言擊肥厭良

黍沉湎屢傾罇斜日不再得燕賞幾寒暄浮雲頻

易世轉眼似冥昏殿冷閑鼓吹羅綺逐水魂落花

嬌靨盡何處覓柳村萬柳祇餘西山嶺發源竝崑

崙老眼恒炯炯重見今乾坤

尚書考滿蒙 頒賜寶鈔呈酒

尚書初考達

楓宸中使傳綸寵更新寶鑑遙分天府製餽漿竝出尚



方珍恩隆三錫慙非分運際千年慶此身圖報所  
希陽道泰坐看海宇盡皆春

尚書滿考蒙 贈封三代志感

祖父留耕尺寸田尚書加贈豈期然琅函錦榮雲  
霞麗梓里光騰草木妍讀捧父書恒自愧思存祖  
硯忍無傳銜恩感激丹心切世守庭聞忠孝編

兩世重褒出紫垣幾回銘骨感

洪恩焚黃已慶榮三鼎衣錦何能起九原養愧違甘能

戒子

范文正

名慙命字預期孫

虞詡祖

松楸不盡終天

恨南望飛雲幾斷魂

眉壽重封爲錢少司寇乃翁賦

八十重封世所稀未須榮載後車歸紫垣迥下廻  
鸞誥綺座驚看孔雀衣近海雲霞添晚景遶庭蘭  
桂藹晴暉于門世德人多美弼教應知願不違

贈熊汝亨司訓祁門

君今振鐸閭門去文物依然盛

聖朝斗次武陵明講席雲運徽嶺拂行鑣官閒自喜書  
三篋俸薄應甘水一瓢况是紫陽山水近暮春童

冠日相招

贈司諫魏連洲使汴藩歸省

暫辭青鎖擁仙槎  
桐葉分封去路賒  
千里龍文天上冊  
百年鶴髮夢中家  
共忻舜日光臣節  
不羨梁園玩物華  
賸有釀泉春正熟  
恩隨壽斚映流霞

贈中丞鄢劍泉清理塩法

儲邊自昔資塩筴  
茂簡名卿出內臺  
天假福星隨地照  
風生赤鹵盡春回  
先憂早遂希文志  
多計寧誇劉晏才  
百歲庭前椿正茂  
豈爲木重喜舉霞杯

持憲稜稜有直聲  
暫勞經濟拂行旌  
帆歸吳越運淮浦  
節鎮燕齊達晉城  
得路青驄標格健  
乘風雉隼羽翰輕  
驚心時事需籌策  
肯負吾

君萬里情

題橋梓榮哀冊

秀發稽山不偶然  
尚書接履映星躔  
明經再著玄成業  
積德應知許國賢  
晚節雙全歸錦里

殊恩申錫首黃泉  
老成風範今寥落  
目極南天起暮烟  
吏部舊寮宴元輔  
介翁宅翁即席賦五言古詩

次韻二首

鈴岡鍾間氣挺出蓬山枝賢應

差皇祝獨對臨軒墀蒼生久屬望海鶴翛然姿

今聖膺堯曆協謨復此時忠因歷試著

特簡冠台司寵盛心彌下寧為巧者嗤屋漏求無忝惟

天寶鑒斯七考汾陽績清風比素絲宴錫承

溫詔戒盈如捧卮

御劄塵裁答頻看退食遲仙標宸極迥歲歲問花期華

筵開沐暇德曜映庭達教言常在目永佩得師資

黃閣久持鈞光增寶樹枝殊榮自天錫

特免拜丹墀貌癯心獨赤百辟仰手姿致身行所學况  
忍負明時甄收皆俊乂濟濟列曹司昔予遭斥謫  
已甘拙目嗤叨承高厚澤栽培得與斯末言懷夙  
夜未能酌寸絲依槎遊福海少罄南山卮飲德渾  
忘足趨陪景漸遲槐堂迎瑞靄豈徒百歲期共忻  
鈴索靜八柱表朝遼壽星恒炯炯永映調元資

送鄒繼甫慮囚湖廣便道歸省

家學如君得道真喜承

欽恤慰雙親楚樓久待江湖筆梓里驚看邸廟珍日到  
三湘連絕谷春從五嶺轉頻呻淵源直溯漢溪派  
總是初心不媚人

送張瀝泉憲囚廣西

桂林俎豆慕南軒何幸綸頒自德門漢鄧曉辭

宸極迫虞刑春布

聖言溫治書好為頻添燭促駕應憐屢叩轅此去祠中  
塵仰止不妨香火往來喧

送鄭實夫憲囚江南便道省母

青年蚤握省中蘭

特簡平刑促去鞍遙望星辰離

闕下獨驅雷雨洒江干下車湏布堯仁大持筆應知漢  
法寬自是不疑能斷獄佇聆慈母喜加餐

贈陸應程慮囚江西

共說江西訟獄繁

九重掄使有生恩未湏滕閣留佳句願借羲輪照覆盆  
驗火定知奴坐累辨魔應為父還存青天遠樹情  
難寄雲隱于門何處村



贈少司徒劉壽泉致政還蜀

一封奏罷少人爭，草色青青引去旌。  
老却棋枰機事息，閑辭藥裹病身輕。  
錦官城裏堪頻駕，華萼菴中可續盟。  
賸有清風垂後進，免教描畫盡平生。

贈黃萬程分教遂溪

才名早已播莆陽，那復青氊去路長。  
地入粵南連海島，化從薊北達螺岡。  
遂溪鎮山懷賢賸有書千卷，話舊何堪酒一觴。  
共道文明應古識，棋川人物在門牆。

牆

贈徐寅之分教涇縣

著書徐幹久馳名獨擁臯比入楚城學富不漸千

駟貴宦清猶覺一歌輕蒸霞飛處堪留句

韓愈事潭

水深中見遠情

李白懷涇縣汪倫事

威鳳碧梧棲欲老坐看

振翮集才英

瀚兒薦京闈自倣

教子從來重一經豈如積德徹冥冥力田共卜能  
收稼覆水應知不返瓶魏國忠忱徵世業晉公直  
道著槐銘愧子淺薄非倫擬報

國寧慚大塊形

汝從今歲竊科名萬里飛鵬此發程德顯韓門須  
獻肅教傳由國賴原明自強勿墮為山志致用恒  
懷捧日誠潔白賜環如執券可慚比父畏知清

贈劉漸峰知丹徒

芙蓉樓上借餘芬南去遙天入斗分官閣坐延西  
浦月訟庭閑對北山雲明珠出海應增價黃鵠凌  
霄迥不群二謝塘深流澤遠佇聽德政竝前聞  
贈蔣子衡知嘉定

青年解褐入吳城千里王畿羨此行  
蒼磧崖中騰劍氣寶山鎮內起絃聲  
壯圖海闊雲俱遠心事秋空月共明  
筮仕自應期報

主可令俯仰愧平生

贈趙子貞知漂陽

石屋山中留鑄冶

鑄子鑄處

青萍出匣豈徒然薰風

習習隨行旆明月亭亭照去船  
民困但期除稅籍

鄭驥事

境閑何羨有詩篇

孟郊在縣多味

定知硯試非凡品

遙望光芒燭斗邊

贈符卿郭冠山赴留都

符卿此日賦南征  
雲樹江東拂去旌  
雨露仰承新寵命  
河山原重舊周京  
曹地接金鑾近鍾阜  
天開碧嶂清  
獨有丹心仍戀主  
夜來猶夢珮珂聲

贈儀曹勞道亭出僉嶺南臬政

器業偏宜禮署清  
行旌遙下五羊城  
六條按部乘陽氣  
千里迴春見物情  
朝漢臺高天影近  
鑑空閣迥暮煙平  
更知文節風猶在

同鄉楊萬里  
提舉塩倉

不負亭

亭孤月明

贈莊君祉知會稽

予昔與王遵岩以道義相切劘今其孀君祉又  
邃文學益知昌黎得李漢而文益振也茲知會  
稽又其鄉先哲曾宣靖過化之地天之所期遠  
大者固不偶矣賦以勉之

會稽山鎖白雲深茂選循良出桂林  
研試青萍應別利弦鳴大雅有知音  
乘春廣布農桑業捧日常懸玉帛心  
况復斗門遺澤在

曾公亮  
今會稽

瑞魁堂上幾

登臨

贈滕汝載知番禺

偶於麗藻識材華  
暫試牛刀去路賒  
五嶺山南開海甸  
萬松烟裏鎖官衙  
地臨越岫應偏秀  
春滿靈洲到處花  
賸有十賢堪仰止  
飛鳧計日自天涯

贈恭順侯吳松川鎮守兩廣

久從督府羨雄才  
掛印新臨桂海隈  
宣撫共侯樞使至  
青秋安危端仗衛公來  
靖李提封百粵朱旗閃  
鎮壓群蠻曉瘴開  
鐵券傳家原不偶  
幾回中夜憶雲

臺

嶺表從來名將多元戎此去拂泉阿未論鼓勇能  
摩壘須信懷殄自挈戈日照旌旗臨象駱風傳鼓  
角徹馱河千年銅柱勲名在展廟瓣香拜伏波

少保大司馬楊虞坡邀宴鄭園有詩見贈次韻

呈謝

保輔聲名舊明時重指南蔡心原獨向蘭臭久同  
含掃徑迎晴日開筵拂暮嵐慇懃野款意何必羨  
華簪



盡省乘清暇  
罨中此勝遊

龍光頻在望  
鶯谷切相求  
懋柳還馮檻  
看花復泛舟  
總

因餘

朝笑永日共綢繆

偶陪房杜侶  
携手度城南  
雨後殘紅少  
天空遠翠

含移樽頻測  
足覽勝忽生  
風况此同心  
契寧慚白

首簪

野色添秋景  
名卿竝燕遊  
未須投轄飲  
過羣斷金

求細草偏依  
席靈禽欲傍  
舟冷然情境  
會相對為

綢繆

題殊恩重錫卷

奎光遙映楚江墟  
少宰承

恩下玉除雙闕翺翔丹鳳翼  
一門照耀紫泥書  
教存鑒  
硯心初慰讀遍韋經澤  
尚餘自是

聖朝崇孝理可忘  
高祝佩簪裾

次少保楊虞坡喜捷韻

八閩新奏凱一怒自天傳  
戡亂如摧朽  
安民似解  
懸蕉林驅鬱瘴  
鯨海息洪連  
浪大共戴

神謨遠寧須圯上編

當宇厓南顧疇咨屬上公萬全惟決策一戰遂成功  
成拆隨風靜征旗映日紅由來平蔡績養望在河東

次大司馬虞坡郊遊韻

司徒熙齋重約遊鄭園以公務羈絆不獲赴會  
辱虞坡見懷次韻

地選郊南勝雲中集列卿秋光頻作伴塵累豈嬰  
情已負書重約空懷觴九行蕭然咫尺隔何以聽  
希聲

君寶經遊地兒童盡得知林端晴日媚檻外白雲  
垂共羨饒花徑寧須夢草池所懷良不淡永仰贊  
雍熙

岩廊清興遠即景振華鑣野鳥迎簷噪輕荷挾雨  
驕披襟秋色霽列坐篆香消逸駕迴難竝臨風憶  
午橋

華國文章舊休誇求志君揮毫矜七步寫景豈三  
分久信心懸日還高義薄雲中興漢業盛麟閣有  
餘芬

金坡片三折卷二 九二二  
三  
壽垌卿史玉陽七十

羨君解組入南天五畝情怡水竹邊閑註羣編逢  
舞日長披寶笈祝堯年才於濟世施難盡道為忘  
筌得最先聞說燕山垂澤遠清顏不數地行仙

每憶仙蹤逸興牽壽鄉深處淨風煙名花匝砌春  
長在古栢淩霜老自堅久謝高車開綠野靜看玄  
鶴舞芝田盈堂賀客多才俊欲賦空慚雲海篇

贈毛文瑞司訓信陽

漢家文學重毛生白髮除官歎此行報國未應辭

薄祿惜陰猶得理殘經地鄰洛水揚波迥雲霧鍾  
山入座明他日義陽人物盛甄陶不忝蔡玄名

南郊陪祭

南郊誓戒肅朝紳迎日重開甲子春夜半燔升光  
七曜天中樂奏徹三辰體元共慶陽方長得統應  
知命愈新自是璿臺頻紀瑞萬年德澤竑鴻鈞  
齋明子夜侍郊天對越遙瞻

帝座懸瑞應月華輝玉珮祥呈雲氣引爐煙受釐不羨  
甘泉頌祝

聖應函海嶽編從此陽生逢道泰永綿寶曆邁周年

冬至後七日 上躬臨玄瑞殿祈雪遣某分告

顯佑宮

九重穆穆重民天下吉祈靈太乙前星映玄壇浮羽仗  
雲隨御輦展瑤篇恩申三限慶恒切禮秩連宵火  
益虔目極西清多瑞氣應徵盈尺兆豐年

永夜虔申顯佑宮分綸遙自五雲中光迎列炬攢  
明月氣肅寒松靜晚風展殿仰知神鑒爇焚香應  
戴

聖恩崇交脩一體原相倚敢不盟心質大空

齋省

明聖崇元化先幾恒審時念茲豐年瑞民天寔所資玄  
冥已屆候靈澤尚愆期惕然軫

宸慮敷綸展雩祠夙夜精虔禱文脩飭庶司顧我叨九  
列寧悲嘆神疲白日看駒隙因之省吾私冥冥若  
帝鑒從來畏四知盟心還秉燭毫髮敢云欺緬懷  
慎獨語即此爲嚴師



鍾堽稿卷之二十終